

慶陽府志

卷四二

—

册
八
藝
文
下

新修庆阳府志卷之四十二_下 艺文

詩

五古

玉泉

唐
杜牧

山股逗飞泉泓澄傍岩石乱垂寒玉條碎洒珍珠滴澄波涵
万象明镜泻天色有时乘月來赏詠還自適

出萧関怀古

陶翰

驱马击長剑行役至萧関悠悠五原上永眺関河前北虜三
十万此中常控絃秦城亘宇宙汉帝理旌旃刁斗鸣不息羽
书日夜传五軍计莫就三策议空全大漠横万里萧條絶人₁
烟孤城當潮海落日照祁連慘然寒苦奏懷哉式微篇更悲₂
秦楼月夜夜出胡天

送范純粹知庆州

宋
苏轼

才大古難用论高常近迂君看趙魏老乃为滕大夫浮云无
根蒂黄潦能湏臾知經几成败得見正贤愚羽旄照城関谈
笑安邊隅當年老使君赤手降于菟诸郎更何事折箠鞭其
雛吾知鄧平叔不斗月支胡

庆阳府詩

蒋之奇

陝右號名郡庆阳乃雄镇臨拊多时才結構甚閎峻城端聳
華閣千里归一瞬不窞陵廟存其旁接烽燼人家住深崦簷

瓦俯可认陶穴尚遗風前书自传信俯窺鷺池泉窅黑深万
仞黃流繚如帶漱似湍迅地險誠在茲賊騎安可近

謁狄梁公廟

僧惠洪

九江浪粘天气势必東下万山勒回之到此尽傾泻如公廷
诤时一快那顧藉君看洗日光正色甚閒暇使唐不敢周誰
復如公者古祠蒼烟根碧草上屋瓦我來春雨餘瞻歎香火
罷一讀老范碑頓塵看奔馬斯文如貫珠字字光照夜整鞍
更遲留灵風起檀栢

從軍二首

明
李夢阳

漢虜互勝負邊塞无休兵壯丁战尽死次選中男行白日隱

3

磧戍胡沙慘不驚交加白骨堆年年青草生開疆勳未已召⁴
募何多名蕭蕭千里烟狼虎莽纵横哀哉良家子行者常吞
声从軍日已遠脩茲路途艰驅車太行道北渡雁門関天寒
雨雪冻指墮层冰间登高望虜境白沙浩漫漫单于数百騎
飄颻獵西山毅我烏玉弓赫然熱肺肝安得奮長劍一擊名
王還

喜雨二首

同上

破到榴花今日雨向來紅紫可憐吟蝶沾蜂濕徒增忌杏綠
梅黃亦苦心

二麥臨河半欲黃一夜生長誰禁当揮鋤荷笠能辭苦浪泼

云翻慮爾忙

郊園步花一首

同上

常苦出城花不开
花开今日共風來
亦知谁便渠能主
独步徐看数十迴

屯田二首

叶落归故根孤云有时还
凶年间里尽谁门
今幸全全者自何归
皮膚半不完百租业
其身欲诉谁见憐
吾家十八軍独我猶從战
昨当战交河左髀贯
双箭本不识犁锄
况復千畝租三诉
吏不语鎖頸投囹圄

日落蒼天昏
奔驰吏下屯揚言科打使
论丁不论门老軍出

5

聽^老卯婦吞声言
边城寡機杼耕种育兒孫
诛永餘粒尽竭⁶豢孤豚
昨晚統管來宰剥充盤殮
貳既復長號吏去收他村

塞上雜詩一首

同上

边烽日夜至來符來會兵
羊牛入高砦鷄犬皆震驚
壯士按劍起鞍馬若流星
鎗急万人靡笑上受降城
生繫五单于归来献天庭

桃花照水楊柳長
河水新添一尺强
昨夜舳艫銜尾至不是魚航是酒航

斷冰吟

從軍行

棄家从上將報主
掃胡戎弩海常隨
月旗翻數起風右指昆

邪盡左盼月支空馳名紫塞外開府玉關東不逢百战日誰
識萬夫雄

出塞曲

同上

單于寇邊城漢將列長營旌旗蔽山谷鉦鼓晝夜鳴乘我浮
云騎毅我明月弓奇兵左右出長驅向云中彭彭陣結虎颯
颯劍浮虹一戰皋蘭滅再戰沙漠空歸來獻天子長揖不言
功

山中

同上

山中雨乍歇一夜瑤草長風吹翠岩竹下應石瀨響時來展
書坐悠悠絕塵想

贈王生二首

8

鳳鳥世希有中入常見疑一朝下西周憂焉鳴高岐光彩照
四極觀者驚以咨神物眦自衒卑鄙甘見欺驥馬匪伯樂
車空號悲奕奕豐城劍非華誰固知
伯牙違鍾期有琴不復彈茲意奚叀取良為知音難得失有
榮枯合離成怨懽黃鵠戾天云元鴻漸河干淺夫貴多矜俠
士賤自殘幸子固明志顯塞察所安

田園雜詩五首

朝陽暖秋木凝露未即晞翩翩啄榴鸞自驚集復飛中穡既
登載我事亦漸稀晨興坐東牖兀然對紅薇噉噉一白鶴北

7

逝將疇依忍茲稻梁辰而女甘長饑
大軍行棘棘小車響額仄隨分各有營急者稼興穡旦出在
田野曰入未遑息長陰下西夕蕭颯起寒色云霞變彩氣照
我桑麻国立看劳者归露濡径不濕
野清云氣滿場功亦云畢收穫雖有殊大小各盈室感茲狼
戾年迫念憂苦曰紛然噉其饑妻子孰遑佚歲工借寒熱入
事坐劳逸蕭蕭野原霜何草不垂實

奉寄趙仲一正甯并問達師

湯顯祖

游道曰以迫權夸众所想我思亦何迥朱絲玉壺冰古人不
可問今茲誰見應無期遍燕越有美自齊滕丈夫偉容髮赤

子重廉能五載半在馬即事常抚膺賦粥遶墟里持籌正井
塍寸陰課桑棗尺水占蓮菱城池香以拂馳道蔭如繩手疏
濁河理笑見嘉禾登流粟欲紅腐還甿豈虛增陂沱下膏霖
畧約上風稜农桑豳舊倍臺閣傳中丞詎翦甘棠憩深存曷
史徵明君皆可法为令足師承遠彼西北道濶此東南朋傷
踊自刀怯為棟豈荷勝虛薄復何意清通蒙見称樂郊相婉
變畏路兩凌競一知殊已足對客良自矜九州晞北驥六月
望南鵬塵泥忽森灑風云竟掀騰山公一啟事流品再清澄
結夏云已峻兼秋氣自凝自公亦元史有師如白乘偶為長
笠客知非紫衣僧好相山河影陰光日月灯同心銷語嘿為

道割欣憎林泉風正落河嶽雨初昇念往側西笑懷來中夜
興但得存江海无勞問斗升

寄懷趙軋所年兄

曹于汴

白稻白於雪飽食不知珍三日枵其腹珠玉安可倫曰與君
為友數君白與黑一朝分手去英雄不再得掀髯抑天笑騎
驢渡長道嗟我舌不存憑人說醜好君倚華山巔千丈之喬
木何以寫我思登高送淚目

鄭生應舉移居伏虬即其地置社學因延之為師

本朝

高觀鯉

琢縣
知縣

蜀相亦云逝此地名伏虬何年高士宅遺躅亘古留婉嬋六

11

七里起束如龍游望之阻而奧入則擴以幽城市去不遠怡

12

然足樊邱鄭生好事者卜居此菟裘陶復與陶穴自謂羲皇
儔童冠于于來負笈請從游退之監太學妻兒啼未休誰歟
當事者寧辭庖廩周為解井公錢省釋博士愁程門雪三尺
茂叔春盈眸預儲霖雨器會見風云投龍蛇蟄岩穴變化橫
九州伏龍與伏虬古今遙相永

環縣歲饑築城代賑予往來寒暑中賦長句以誌其事

知府

趙本植

原号斥鹵游荒憂皆窳嗷嗷千万家沸羹沃焦釜仰食县
倉碩鼠少紅腐空嗟于為歌犁留鳴亦苦

宵旰切痾瘵拯卹瞻斗料更发司农錢乘時築樓櫓計役庸
直丁男給二鬴懸令招流攜黔黎復保聚驚鳥暮投林枯鱗
快浮煦介士玉門还嬰兒懷哺乳茲形良足悲奋感出慰拊
邪許聲相闻約版來黄土晨烟起塵甑宵杵答鼙鼓寒暑盡
忘劳崇墉興百堵長吏不得眠太守日行部羶裘禦雪霜箭
笠戴炎午車騎紛于梭委寧正二屬監
修予往來督理畚鍤疾如雨此下有遺句底績指
顧問惠民兼捍侮覆載信无私浩蕩焉可數

七言

惜别行送向卿進奉端午御衣

唐杜甫

肅宗昔在灵武城指揮猛將收咸京向公泣血灑行殿佐佑

卿相乾坤平逆胡冥漠隨烟燼卿家兄弟功名震麒麟14畫

鴻雁行紫极出入黄金印尚書勳業超千古雄鎮荊州繼吾

祖裁縫云霧成御衣拜跪題封賀端午向卿將命寸心赤青

山落日紅潮白卿到朝廷說老翁漂零已滄浪客是

城塩州

白居易

城塩州城塩州城在五原原上頭蕃東節度鉢闡布忽見新

城當要路金烏飞传贊普闻建牙傳箭集羣臣君臣赭面有

憂色皆言勿謂唐無人自築塩州十餘載左衽毡裘不犯塞

晝牧牛羊夜捉生長去新城百里外諸边急警劳戍人惟此

一道無烟塵灵夏潛安谁復辯秦原暗通何處見鄜州驛路好

馬來長安葑肆黃耆賤城塩州塩州未城天子憂德宗按圖
自定計非關將畧與廟謀吾聞高宗中宗世北虜猖獗最難
制韓公創築受降城三城鼎峙屯漢兵東西亘絕數千里耳
冷不聞胡馬聲如今邊將非无策心笑韓公築城壁相看養
寇為身謀各握強兵固恩澤願分今日邊將恩褒贈韓公封
子孫誰能將此塩州曲翻作歌詞聞至尊

送仲副使赴陝西

明
李夢陽

驄馬白玉鞍長鳴下雲端今朝發汴水何日到長安李王臺
前雪如山垂楊掃地春風還使君不帶冰霜色却帶春風入
漢关相思明月樓西望古秦州河南咫尺不可見何況千山
萬水头西望秦州是我鄉隴樹秦云空斷腸褰帷仗鉞經行
地欲寄雙魚到庆陽

東園翁歌

同上

東園翁今六十餘面常帶垢髮不梳身藏寶劍人不訊反閉
衡門讀古书此翁十五二十時欬唾落地迸成珠陸極不敢
以伯仲管輅警敏空嗟吁生鱗即與蛟龍伍未汗寧同凡馬
趨爾時射策黃金闕三百人中最英發驂騮举足狹万里便
欲登天揽日月豈知德宗常坎坷獨買扁舟泛吳越三十年
來万事变富貴於我真毫髮归来灌園种瓊花荷鋤自理東
陵瓜夜眠海月桂丹牖晝看江風滾白沙遼東合有逢萌宅

齊西再观陶朱家北郡李生三十六擯斥高歌卧空谷前輩
后輩道趣殊同坐限同行江麓東望東園亂心曲安得逐爾骑鴻
鵠

吹歌代书答仲一

陽顯祖

景清白血流正宁帮清吾友如其清欲留關君言道德稍知
公子近刑名風塵兩度相攜手笑語悲歌一壺酒長安貴人
方見知鄉里小儿亦何有翩翩世故不可窮睨柱碎壁成英
雄空驚越客詛秦客未葬滕公得趙公有母閒居差不惡無
家古寺堪留客雖知世上眼难青何得此中頭遽白我今与
子一恢諧为民光景正湏來去官只有耕田手處世都無避
債臺温公袖中誰所写坐我不羈置林下一番西笑秦無人
龙泉泰阿知我者

辛巳夏旱步禱聖水泉明午雨降得長句十八韻

本朝
趙本植

夏五不闻簷雷聲我心惻惻憂方大鎮曰闭閣省愆尤祈請
殷殷数荣檜維山有神呼籲靈珠絡旛幢位居兌蓬跣蹒跚
四十程距城西北四十里鑠肌烈日如鉗鈇楊枝垂露蔭千條入廟已觉
登晦靄座俯甘泉石齒鳴瀑布高懸飞激汰蚕房夜宿禮益
虔默許流膏润蔚薈詰朝再拜下山椒虬龙夭矫導旌旆半
途雨脚酣笙鏞風為車兮云為蓋蓮臺法像恍見之自午徹

曉勢愈大金蛇迅掣九霄中銀河倒泻三江外泥深豈怕歌

鷄頭

蜀人謂泥滑滑為鷄頭鷄
坡公詩泥深厭听鷄頭鷄

城陰二水奔湍瀨紛紛簫鼓答神庥陳醪

設醴介文貝老农驱犢插針秧稚子扶犁除草茂閔飢閔旱
藉稍紆靜理絲桐緩巾帶漸看爽氣來庭隅摩娑生意出塵
壚綿蠻樹杪滑鳴鳩青蒼巘畔沐枏檜更占時雨與時暘太
守不辭為民丐

長短句

合水曉行看山

明
陳 棐

攢簇羣山云雾頂宛若饅頭翠釜忽開笼主人將來作一啖
盡吞元氣鼓腹中餘下撐腸拄肚石片不消化變作磊落岬

嶽
嶽直節英風華岳峒崖向我笑笑我大語非由衷我笑華岳

20 19

爾昔曾遇臣灵氏掌推蹠蹠黄河通三峯四削尚隋力何况
峒山未峻崇願倩后土氏輸力助天工海内石山無用者尽
置西北連亘鉄壁遮羗戎却將坐食將卒尽屏去頓省京運
蘇民窮大觀宇宙達者耳裨補元化方英雄丈夫志節固有
然看飞鴻彈素絃庆東子午山山树庆西黑河水布護極北
淒淒古蕭関南行慘澹彭原路東西南北三千里踞虎豹兮
走狐兔敗棟頽簷風雨酸犛野老吞声訴吁嗟孚万亩千原
空有土九州誰似庆州苦君不見不窟開墓墓亦荒城市翻
成古戰場君不見明季流賊大猖狂老稚男女尽淪亡撫今

憶昔隆万前按籍無丁市無廛廣長舌根日夜吐泣血漣如
民之故

庆土庆土逢天怒頻年雪霜不雨露大有猶苦稅難完大荒
安貢一王賦自古豳人力稼穡豳人今为稼穡誤父母生儿
悬弧矢賤卖錙銖入公庫吁嗟乎民生疮孔日叟多無儿可
卖更若何君不見新徵舊欠累万千官亦除荒缺俸錢君不
見糧虛移甲池魚及兔穴狐窺終宵泣經營於此断人腸割
肉何能見吏長丹書若自彤庭出
彤庭出幾回清问到边方

寧賦歌

21

山峻羊坡尽石田無端不尸卜周年霜飞竈井淒夜月冷川
原烽火天刀劍剩有餘生几鬻女沽男淚血濺試问民生何
至此茂草深林賦百千吁嗟乎庆民此苦

22

五律

宴聖公泉

唐
王勃

披襟乘石磴列籍俯春泉
菌氣薰山酌松声韻野絃
影飄垂葉外香度落花前
兴洽林塘外重巖起夕煙

送灵州李判官

杜甫

羯胡腥四海回首一茫茫
血战乾坤赤氛迷日月黄
將軍策畧幕府盛才良
近贺中兴主神兵動朔方

送鄒明府游靈武

賈 島

曾宰西畿縣三年馬不肥
債多平劍與官滿載書
歸邊雪藏行徑林風透
臥衣靈州聽曉角客館
未開扉

長城聞笛

楊巨源

孤城笛滿林斷續共霜
砧夜月降羌淚挾風
老將心靜過寒壘徧
晴入故關深惆悵梅
花下山川不可尋

庆州回過盤嶺宿義園

金 劉 汲

隨馬兩不息催人曰欲
晡山從林杪出路到
水邊無拘縛嗟微宦
崎嶇志畏途村家應
最樂雞酒夜相呼

環縣道中

明 李夢陽

昔人習鞍馬而我憚孤
征水抱琵琶寨山銜
木鉢城裏瘡新罷戰
插羽又徵兵不到窮
邊處那知遠戍情

春日漫成

同 上

豪真欺酒綠老每厭花
紅人事年年異春風
物物同云霄猶旅雁
時序又新菘潦倒元
吾分金樽莫放空

贈呂九川都給事

何景明

月明鵙鵲觀曰麗鳳凰
城自昔飛騰入今看
草莽行脚沙填海老
鍊石補天情無限乾
坤事非因萬古名

山城道路四首

秦 昂

小圃何年別風塵已十
霜深山含雨意細草
滿春光水濶鷗

為友天空雁布行赤心常自負遙望五云鄉
客路三千里渴塵水一瓢苔痕經雨出鳥語入春嬌山靜云
潛石風輕麥弄苗故鄉應戀我舉目見中條
塞上風烟靜山城去復旋白侵邊地雪青裊柳稍烟屈指人
千里歸途馬一鞭百憂推不去也繡也徒然
日落荒村晚客懷不可禁云凝山碍路風細鳥投林瘦竹豎
清節寒泉送好音籬邊多雅趨聊可助孤吟

庆阳道中

同上

臘客冰尚占春色草初侵牧唱楊坡遠岩居松徑深輕云飞
絕壁殘日駐疎林客路多詩興長吟復短吟

環县道中

行程將十日今始見郵亭漸覺龍沙遠喜看春樹青牛羊下
山麓烟火散郊坳昨去今來路何如水上萍

將入宁州

毛伯温

羣山如列戟忽爾見孤城冰解春流細云开晚照明飞塵迷
宿莽過鳥拂行旌百里渾忘倦微吟尖轉清

子午道中

白曰云霄上青春子午中鳥声山谷应涧道石桥通野寺僧
迎客巖花蓋覆紅電雷東北作风雨四方同

庆阳行署

浦鋹

報國心帷重忘身夜不眠臨池題諫草掃壁和詩篇
晚照花陰裡高云鳥度前邊城無外警院靜對秋天

木鉢道中

謝蘭

天上薇垣使云中木鉢城行來時怯險老去勿論兵
野岸明沙雪寒風捲旆胡人潛遁久長嘯賦須成

謁景公祠

練國事

景公廟貌崇直是古龍逢藏碧千行淚招魂百世風
兒童知往事松柏亘長空反面臣何在黃泉草不同

山居自詠

閩鳴陽

山深疑太古靜對渾忘今綠野徧饒致紅塵迴不侵
瀟瀟風散署湛湛水長吟坦腹松陰下真為自在身

周原幽居

季真

山色蛾眉秀河流燕尾分亂蟬吟落日獨鶴引歸云
黃葉溪邊樹青帘雨外村興來留客坐隨意倒芳尊

勸農

本朝
楊藻夙
知府

微雨過春城寒輕暖亦輕土膏乘氣動河水逐冰行
吏治觀田野民依賴火耕莫教隨意草還向舊痕生

丁酉春清丈地畝靈武道中三首

王馨穀
推官

邊城磽确地喪亂盡荒蕪漸見哀鴻集旋驚蒼隼呼
云霞徒負望勤動未賞逋履畝從今日依然安堵無

羽书正旁午庚癸費綢繆

廟算安黎庶臣心拙筭籌調和風雨潤次第版图收指日輕徭
賦載賡

帝力謳

田家終岁苦努力事耕耘成賦憂新欠除荒感舊文山河金
二寸絲穀肉三分為爾均勞逸焦思廛

聖君

清丈地畝 三首之一

扈申忠 巡按

搶攘今方定农夫尽力耘賣刀堪買犢振武復修文國祚三
儀奠民依五谷分殷勤問勞史誰是昔神君

宏化署中遇雪步韻二首

杜霽遠

30 29

积雪迷樵徑千山絕鳥過綺筵觀樂少荒屋逋亡多欲向峯
頭嘯空怀江上簑冰心照天地独坐奈愁何

六花飞正急半載已空过材短催科拙民残积賦多有詩呵
凍筆無地挂漁簑愁病寒侵骨穷簷問若何

己巳除夕前二日合道川即事

孙良貴 知县

怪爾來何暮岁除不自謀岷危欺健衛冰滑怯長騶戍問五
原近天縑一線幽曉霜挂斜月西 未消憂

曉經馬嶺

同上

坵垣疑馬鬣願問是金城烽息天移宋霜清我独征坳盤殘

月吐溲沱一鷄鳴
遑復歸三婦
駸駸意未平

癸酉大暑后
晦夜洪德城查賑

同上

野火明河畔
斷崖三兩家
急湍飲去馬
靜潦沸鳴鼃
平受軟風潤
寧支涓露華
故人郊勞久
斗極已西斜

瀟關古道

高觀鯉

留侯營漢邑
即此亦關中
鳳闕連云起
龍沙入望通
悲風嘶牧馬
急雪斷征鴻
千古干戈地
應憐百戰功

環江春浦

同上

山城春事晚
冰泮愜幽尋
芳草王孫怨
高樓客子心
鏡開浮遠塔
波濶沒平林
官渡青青柳
寧知歲月深

螺巖晴瀑

同上

螺山西繞郭
卻枕大川流
聲挾中條雨
光分太白旒
崖晴亦暝寒
溜午還秋澗
壑何年鑿
相期惠遠游

鴛溪流碧

五子鬱嵯峨
晴光漾細波
兩川青送黛
一派碧穿莎
灘急疑經雨
風輕似熨羅
鵲橋何處^所耿耿
隔銀河

合川朝雨

同上

遠山開曙色
孤堡漾驚湍
咫尺風云誤
蒼茫雪浪寬
烏犍敲點點
白鳥浴漫漫
入地知應細
欣榮對藥欄

馬嵐拱翠

同上

汉县倚环南嶼 恣冥探雲峯烟渺渺春水柳穆穆白裊官
泉道青随聖母驂劇憐山市幻衣濕为晴嵐

方山霽雪

同上

昨宵飞霰急海地布瓊琚何處方山好偏宜霽景初断云寒
繞树滑磴怯乘驴不乏剡溪兴相看意泊如

過魏征西墓二首

同上

山麓逢封树何人有道莖莫雄已銷歇華表自縱橫馬革酬
明主琯弓屬後生道旁延值久惆悵不勝情
驍勇难兄弟生还失伏波荒阡留劍珮壯气作山河奕世箕
裘尽孤墳牧豎多西風夕陽裏断碣手摩娑

周祖廟

趙本植

有基開帝業無国竄戎原文子崇犧勺村农奠酒尊山圍云
气暖溪抱雨声喧不見荒岡上牛羊踐墓门

韓范祠

同上

一麾皆出守那復念家山
二公皆久於西陲 姓氏驚酋虜勳名震庆环叢
祠秋树老野戎暮云间往事今堪溯輕营想昔艱
时修鎮朔楼

庆陽寓中

汝南 李本固

故国鶯声老天涯花事新折來聊寓意落去恐伤神不載東
山酒誰教北地春暮归寒色在風雨漫愁人

聖水泉

鞏我艘

幽壑深无際澄泓得此泉牧人多往返游客少留連龙去云
含雨鳥归树破烟断碑空歲月沈玉不知年

步高邑侯環川八景詩

錄四首

羅 紘

边城多古垒絡绎此途中馬放山林靜鋒銷驿路通長亭春
折柳遠笛晚驚鴻极目銀川道迢遥百代功

蕭 閔 故 道

萬叠云峯聳長流蕩远波傍岩横挂柳夾岸乱披莎一抹苍
於竹千重碧似羅寻梁飞未得清響振环河

鷺 溪 流 碧

川平遲浅水細雨晚飞湍普洒谿田润輕揺草树寬當空云
漠漠徧野浪漫漫到此应知喜前亭笑倚欄

合川朝雨

寒山凝练淨殘雪砌瑶琿林畔梅开早天边日霽初晴光笼

白鳥曲径碍青驴叉手吟成賦含毫兴自如

方 山 霽 雪

36

排律

周祖庙垣頽像圯且歌侧今夏太守李公下車捐金鳩

工經歷傅君實董其成賦十五韻 教授田而芝

惆悵先王地維新屬望勞每來瞻庙貌亲欲剪逢蒿忠厚開

基永恪勤创业高見国語播遷仍燕翼上祀遂崇褒故土怀冠履

遺民戀穴陶共愁風雨急誰葺戶庭牢往復深難料貞元会

更遭軒車初莅止版築迺先捺冕玉羣灵集瓜壺庶品芘千

山迎爽氣萬壑湧秋涛結杓憑心慧周防遠市囂擇賢真器

使損已豈民膏燕雀春方賀黜黠晚自逃長才錐脫穎小試

35

劍吹毛舉目輝光迥
幽岐指 豪

過張果老墓

鞏我艤

曾傳張果老留址在荒陂
豈是龍蛇蛻空餘狐兔悲徘徊
出
晨徑磨洗認殘碑入樹秋
聲近連山曉色遲仙人多駐駕
騷
客少題詩幾閱滄桑變常經
樵牧隨高名垂永世元理待誰
知良友同攜手徒添方外思

七律

鹽州過飲馬泉

唐
李益

綠楊著水草如烟舊是胡兒飲馬泉
几處吹笳明月夜何人
倚劍白云天
從來凍合關山路今日分流
漢使前莫遣行人

照容鬢恐驚憔悴入新年

38

送靈州田尚書

薛逢

陰風獵獵滿旗竿
白草颼颼劍氣攢
九姓羌渾隨漢節
六册
蕃落從戎鞍霜中入塞
瑠弓硬月下翻營
玉帳寒今日路傍
誰不指穰苴門戶慣登壇

哭趙縱

杜牧

將軍獨乘鉄驄馬
榆溪戰中金僕姑
死國却是古來有騎將
自驚今日無青史
文章爭點筆朱門
歌舞吹捐軀
誰知我亦
輕生者不得君王丈二殳

哭橋陵

明
何夢桂

百年弓劍入橋陵豈料三泉化劫塵空有漁燈照荒土忍將
玉軸問遺民蒼梧日落啼丹雀金粟云深卧石麟寒食家家
上邱冢六宗孟飯屬何人

題正宁县境

明景清

二水交流屈抱岡登臨一望四茫茫南莊日暖多耕稼西谷
風寒少種桑果老昇仙遺墓古蒙恬賜死故城荒喬山惟有
靈湫在历代穹碑煥典章

九日登花馬池城

王瓊

白池青草古塩州倚嘯高城豁望眸河朔羶廬千里迥涇原
旌節隔年留轅門菊酒生豪興雁塞風云愜壯游諸將只今
多衛霍伫看露布上龍樓

秋懷八首

錄四

李夢陽

龍池放泊他年事坐對南山憶往時紫閣峯如欺太白昆吾
山自繞黃陂雙冊菡萏秋堪落亂水蒹葭晚更悲谷口子真
今得否攀雲騎馬任吾之
庆阳亦是先王地城對東山不窰墳白豹寨頭惟皎月野狐
川北尽黃云天清障塞收禾黍日落谿山散馬羣回首可憐
鼙鼓急幾時重起郭將軍

曾為轉餉趨榆塞尚憶悲秋淚滿衣沙白凍霜月皎皎城孤
哀笛雁飛飛運籌前后无功伐推轂分明有是非西國壯丁

輸輓尽近边烟火自今稀

崑崙北极转天河独馬年時向此过渥洼西望迷龙种突厥
南侵牧橐驼黄花古驿風沙起白云阴山金鼓多况是固原
新战鬪居人指点說干戈

出塞

同上

黄河白草莽萧萧青海银州殺氣遥关塞豈無秦日月將軍
独数汉嫖姚往來飲馬時寻窟弓箭行人日在腰晨发灵州
更西望賀蘭千嶂乘云霄

送王生還里

同上

华池避俗屯营火往日談經近鹿場万里漂零余作客諸生

41

新爨爾升堂昨來見面生春色岁暮還家带雪霜怀土力微
難並進强吟臨路独淒涼

42

逢吉日汴上

同上

汴上相逢俱白头秦中却憶少時游烟花楼阁春風日錦繡
山河百二州未论聽鶯穿細柳實因志馬出長楸金尊邂逅
今霄月明发仍悬兩地愁

宁州狄梁公廟

狄相昔为州刺史於今伏臘土人思何來伊水瞻遺墓此处
宁江拜古祠鸚鵡夢中天地转太行山上旆旌遲稔知忠孝
平生事更读希文万古碑

韓范祠

同上

范公人物方三代韓相元勳定兩朝廷庆曾連唐节度平生
不数汉嫖姚一封攻守安边策千发威名破膽謠郡府城南
雙廟貌異时追慕此情遙

橋陵

黃帝騎龙事杳茫橋山未必葬冠裳内經洩秘无天地律呂
通神有鳳凰創見文明归制度要知垂拱变洪荒汉皇巡視
西游日万有几千空路長

覺宮望琴山作

泮林深处桂香庭坐向琴峯望眼扃晓日霞分紅映碧春天

43

雨过翠還青山花开处屏围設野鳥飞時圖畫擘絕聲奇观
归泮水任他沧海几回更

44

泮林棂影

同上

堂下双槐厯有年枿槎百尺势撑天根盘大地龙蛇蟄葉舞
長空鸞鷲騫晓日翠阴來讲席秋风黃斗撲寒氎諸生槐市
甄陶素王道裁成猷日边

按二诗皆见于正宁县志并載揚升庵云昭代之有空同犹盛唐
之有李杜云云然二诗全集所必非先生手笔庆郡家藏

先生金集者甚少因仍原志始錄之
以候他日之考証

復登長城関

石茂华

擁传提兵兩岁过朔城戎幕動鳴珂茫茫大野飞鴻度漠漠
平沙晚明多万古塞愁况戍垒千年征怒竹烟蘿而今已报

攬搶掃飲馬遙看瀚海波

環縣懷古

傅振商

間倚東風眼界開
烏崙山色自崔嵬
牛羊共踏長城窟
鳥雀空啼靈武臺
事去千秋餘感慨
春歸一騎故徘徊
愁看直北銀州路
日暮笳聲鼓角哀

鷺池閒眺

董世彥

石燈穿云一逕通
山光溪影滿欄中
波聲終古鷺飛去
草色連階池水空
傍郭灣環城偃月
臨流翦鬱樹交風
金湯漫作千年計
吟眺誰憐范老功

謁橋陵

李文中

萬代衣冠始渙頒
軒轅功德亘城寰
神皋御氣留弓劍
云路仙踪寄佩環
夙歷有年時未改
龍髯无分淚空潛
獨憐漢武勞祈築
辜負荒臺枕碧山

咸陽閱城

同上

四山如削擁層樓
據雄關河最上游
万里龍沙摧黠虜
兩川烽燧寢高秋
人和尙藉金湯險
世泰難忘戰守謀
千載我師爲范老
一生芹曝是先憂

登鎮朔樓有感

同上

西風漸入客中懷
一上城樓四望開
天未城空胡騎遠
水南烟冥塞鴻哀
寒欺病骨衣綿薄
暖散酡顏酒力頹
倚檻不勝

回首淚開山何處是南陔

送金谿吳繼疏南祠吳尊公疎山侍郎也君以救同官

邠寧趙邦清出吏部及之二首

錄第二

湯顯祖

不勝衣弱氣嶙峋水鏡中朝見此人共惜當門蘭向楚總拚
睨柱壁歸秦清時去國能無夢近地論交亦有神肅穆祠官
吾旧隱鍾陵長護鬱葱新

寄趙仲一吏部正宁仲一居常推尊某公師父不去口

失官归窘甚其師父嗔責其負至斯仲一子頭创竟

寸县官因而恶之书來云欲來过我與吳繼疎君同

往答之

同上

47

函谷封书去亦难小天天水憶長安傾家便可酬門士過里

48

必須恼县官穴处幽風年事晚酣歌秦女壯心 殘開笺忽

動江湖色紫氣西來南斗寒

宁州察院題竹

有引

馬文昇

平魯凱還駐节宁州分司后堂前叢竹数千竿晝則風
搖其声可聽夜則月照其影可看劲节凌霄俨然瀟湘
之景詩以詠之聊以寓意

庭前萬個翠琅玕劲节凌霄耐岁寒昼靜風搖声可聽夜深
月照影堪看時來暫爾棲黃雀日后应須集彩鸞致欲与君
結社友虚心相共此心丹

和韻

秋浦

汪 珊

疇從陸海植琅玕翠葆瀾瀾曙影寒文可傳來神曼異子游
老去好誰看標技映日浮金碧聲韻騫風肖鳳鸞欲向孤根
尋道侶雲中應示此心丹

和韻

武進

薛應旂

滿庭燕石混琅玕冬夜瀟瀟雪作寒老去虚心徒自負從來
直節竟誰看乳鴨爭噪休猜鳳野鳥羣飛莫擬鸞惆悵鈞陽
今不見相知惟有寸衷丹

和韻

太原

孫傅庭

偶從題詠想琅玕春老空庭客夢寒渭水千竿何處此沱陽

49

三徑几時看殘技未許喧鳥雀遺韻猶堪下鳳鸞惆悵此君
不可作惟餘汗簡照心丹

50

和韻

蒲陰

金毓峒

幽尋不見碧琅玕獨坐空郵樹影寒生聚百年悲往事逃亡
比屋忍誰看荒園極目餘蛇篆叢棘無緣棲鳳鸞遙望君門
咫尺五繪畧應矢寸心丹

同僚友游高山寺

賈 瓘

霄漢憑陵眼界寬百年浮世几悲懽彭原幸我重傾蓋神武
輸君早挂冠莫謂將軍誇大樹肯從博士笑羶寒相逢一笑
西風急索取黃花晚節看

題狄梁公廟

呂經

堂堂帝室閭重門
解夢宮闈啟舊閭
四海臣民誰識主
一心忠誼獨承坤
武家羣孽消亡盡
李氏洪基壯遠存
更說寧州遺愛在
活民到此哭英魂

詠寧州八景

王忠

梁公碑古字無瑕
太子荒邱噪暮鴉
順利珊川生紫硯
高山晚照散紅霞
九龍春曉真堪羨
三水河流甚可嘉
最愛金泉岩畔湧
閑亭夜月挂天涯

謁閑帝廟

訓導
王瀛

漢室忠臣絕代無
綱常扶世聖賢徒
興王事業天心止
滅寇⁵¹功勳胆氣粗
率土有神皆廟貌
寧人無祭不牲醯
丹心耿耿⁵²隆千載
獨與更闌皎月符

周祖遺陵

吳士英

帝業開基八百秋
遺陵荒草晚烟稠
莫言征伐成王室
自是耕耘起綠疇
澤被邠寧春雨熟
神歸環庆暮云收
行人過此應相問
黃壤千年尚屬周

狄公古廟

同上

遺祠千載倚山頭
曾為當年社稷憂
碧草黃花空淑淑
白云流水自悠悠
誠回女禍忠猶在
澤及寧民澤尚留
賤子幸來追旧跡
不勝思淚灑清秋

普照昏鐘

同上

古刹多年事已非，独留钟韵送斜晖。
風生碧汉鯨初吼，人靜蒼松鶴已歸。
竹院春游情淡淡，楓橋夜泊思依依。
宦情老我邊城客，几度思家吟式微。

鷺池春水

同上

雨過南城楊柳陰，芳池流水碧沈沈。
古人已去鷺羣遠，泉脉相通龙窟深。
苔護鉄窻青窈窕，涼生石澗氣蕭森。
濯纓還許來危坐，独对春風試一吟。

南城晚市

同上

山郭晴暉照市廛，市聲嘈雜帶朝烟。
山人苦被浮名縛，野客

53

甘为薄利牽，堪笑游商從垆断。
几回归夢到春田，西來嵐氣

54

渾如畫，誰賦坡翁海峽篇。

龙湫夜月

同上

晚霽泓泉浸碧空，嫦娥散彩射龙宮。
天香馥郁三秋際，樹影婆娑一鏡中。
羸女吹蕭承湛露，鮫人織錦沐清風。
滄沱此夜应難畢，却为蒼生作岁豐。

庆臺晴雪

同上

滕六施功嫩剪裁，朝陽飞出白龙堆。
瑤堦玉砌千层叠，珠树琪花一夜开。
却羨仙翁披氅去，何妨狂客泛州迴。
臘前三白誰呈瑞，应擬笙筳下凤臺。

彭原晚照

同上

平原雨霽暮烟消
秋日西風禾黍饒
地濶草根雙兔伏
天清木末一禽遙
笛聲杳杳聞歸牧
斧韻丁丁聽晚樵
自喜昇平無戰伐
寸心何叀荅明朝

觀兵洪德城

馬文昇

九月寒霜洪德城
邊風吹雁向南征
將軍虎鎮黃花寨
壯士龍驤細柳營
靈武已墟唐代事
朔方尤賴宋時兵
為憐重地凋零后
一片荒山曉月明

清平驛和壁間友人韻

毛伯溫

我於沙井度元霄
恨不逢君破寂寥
邊堡月明人語靜
驛庭夜迴馬嘶驕
回瞻靈夏河山近
南望鄉閩江汜遙
半載往來何太速
迂踈無補聖明朝

靈武臺懷古

徐祥麟

西風樹雨度臺池
玉玺曾來萬馬馳
造次中興唐社稷
流離收拾漢官儀
龍飛九五風雲陣
虎賁三千日月旗
恢復可憐心獨苦
衡山烟月忍遲遲

琴山古洞

强晟

羅山城子對崔嵬
曾見仙翁石洞開
藥灶猶餘神物守
岩扉常有白云埋
樵柯爛后人初覺
滄海乾時鶴未來
瘦馬行行吟眺處
憑欄鎮日不能迴

彭祖墓

同上

沧海桑田几变更一邱千古
 钱籛传闻自古名難泯樵採
於今勢欲平雨洗古松蝸有篆苔封老树鶴无声吁嗟八百
終归幻對酒何妨学步兵

橋山

同上

軒轅何事厌塵寰自昔乘龙去未還万国
有臣寧戀慕九重
无路許追攀争知仙駕遊何处猶說衣冠
葬此山終古風云
勞擁護神光常射斗牛間

張果老墓

同上

物外神仙竟有无争传此地是遺墟春回
野烧寒芜綠人靜
空山片月孤浪說飞騰人化鶴寧传虛幻
紙为驴三山弱水
治何处塵海茫茫不可呼

灵湫雨意

迴文体

劉芳

浓云泼黛树浮光润济靈湫映土岗龙蟄
浅潭秋水碧雨棲
残棟晚山苍穹碑断落苔文界靜廡陰沉
蘚草荒恭謁我來
忻樂歲峯巒倒影日昏黃

題景公祠

李春先

靖難當時兵未休肯將六尺砥中流乾坤
独付孤臣节草木
平分烈士愁心上有天悬聖祖眼边无地
着幽州我來登拜
荒祠下山色苍苍碧汉秋

題雲寂寺

佚名

古刹凌云山几盘僧房斜挂壁崖间
頑碑残刻猶存旧老树
棲鴉不計年曾道泥牛耕月壁
嘗闻牧馬駕風鞭西方佛氏
流來遠自后无人續正传

謁景公祠

馬三才

蘭蘭祠宇景中丞往事能令痛拊膺
血戰難期天運轉噴衣
遥应客星凌孤魂百折真猶在
裡祀千年自可仍我亦拜瞻
增感慨愁云低鎖暮烟凝

贈正宁趙軋所先生

金陵 朱之蕃

憶昔長安汗漫游傾君耆望重皇州
立朝正色逢時忌持世

貞操任眾咻拂袖云霞归華嶽
掀髯花月傲丹邱荀龙竇桂
流芳遠竝看庭传起壯猷

合水修復县城偶詠

本朝 楊藻鳳

錯繡当年百二州边城近日不防秋
車书万国归仁寿城郭
千家尚土邱蔓草遠随人迹尽長河
依旧夕阳流眼前一篇
荒涼地化作金湯瞬息收
合水古城跨远州風华仍带汉時秋
河山改革開新运云树
蕭森抱古邱黃鳥投林思定止蒼生
归命信如流从兹抚字
資賢令烟火千村次第收

陪楊郡尊修復县城

知县 刘源澄

廿載荒城委草萊
欣瞻露冕駿圖開
經營再見召公烈
築鑿重誇山甫才
子午嶺頭行客度
鳳鳩川上牧羊回
深慚志吏全無補
聊共蒸黎賡子來

太守无能只問天
邊民何事苦无边
曾聞溝壑添新骨
又聽妻儿且賣錢
平子四愁空淚灑
賈生六歎有誰憐
不堪回首当秋夜
今日伤心勝去年

今日伤心勝去年
蟬聲斷續接云烟
老農闢地愁鋤蔓
稚子思秋望眼穿
月照机杼空織女
風吹柘葉走灵泉
不知誰善丹青筆
圖獻流民到帝前

圖獻流民到帝前
敷宣還仗大官賢
蔽明自古由煬灶
秦績於今重管絃
非我不前因馬後
是人为政在羊先
廟堂若问当年事
一望平原萬里烟

一望平原萬里烟
烟銷茅屋几家廛
周邦旧是桑麻地
庆郡如今却火天
海野哀鳴鴻羽肅
離鄉士女尽衣牽
點金媿我无仙術
日夜筹思不忍眠

日夜筹思不忍眠
孤哀那得小民憐
魂驚逃屋明偏照
夢醒家園淚已湔
賦重民貧難執法
風行草偃漫從權
予今欲借善书者
到底还为引手牽

到底还为引手牽
賢如宓子亦徒然
才猷未必人人拙
寬猛於茲个个愆
憲檄庚呼官長畏
扁舟麥助友朋憐
官途却是

窮途哭師帥先生履不全

小至

李夢陽

連年至日多喧暇不似今年暖更饒脉脉水泉元自动微微
云物向人遙即昉雪意传梅蘂更遣風光媚柳條便可抽芽
解簪組且謀春事伴漁樵

憶西南陂九日之泛

同上

一游水亭心自牽沙色湖風常眼前蕩搖每忆菊在抱出沒
似有鷗隨船冥冥浦漵几落日蒼蒼蒹葭時遠天頻來此地
亦可借恨無好詩酬紫烟

九月晦日西南陂再泛

同上

水国当秋霁更寒渚宮重宴菊猶殘间身欲住張融舸短髮
羞欵杜甫冠日映樓臺天上过風恬臭鳥鏡中看綠池莫戀

同

園竹即擬枚乘賦不難

郡署詠懷古跡五首用杜工部韻

知府

揚纘緒

艱難王業怀周室竄迹当率戎翟间九鼎几經移传舍孤坟
猶得占荒山本支百世誰祠祭樵牧成羣任还陵下至今流
恨水東遷錯計棄函關

殘碣猶闻父老悲古之遗愛有州師梁公精爽留千載唐祚
安危繫一時九廟有灵遷太后五王何事縱三思秉鈞国老
如還在斬草除根定不疑

鎮朔樓高銷北門名臣經畧此山村口范文
正公建云橫故壘秋風起

鴉噪荒祠落照昏憂樂俱閑天下計甲兵直奪夏人魂文經
武畧傳青史景范堂中好細論

靖難燕兵如破竹戈鋌真指景陽宮倉皇督戰沟河上景清為
建文督

戰白
沟河慷慨捐軀鼎鑊中星應文昌歸碧落鶴棲華表泣村翁段

公祠宇相鄰並崇正末郡城破
段公復興死之碧血丹誠故自同

明代風騷稱七子李公氣概獨清高批鱗諫草留鸞掖垂珮

仙班識鳳毛吳越人知尊北學公提學江西人以北
學輕之既而歎服空同集應刻藁
名空

同集空同
其學也壓詞曹暮年飄泊多惆悵故國春田入夢勞

周祖廟告成

知府李日芳

66 65

蒼蒼王氣抱孤城流峙周遭今古橫傅子當年測海若邠人
此曰憶河清松聲不逐笳聲落山色每隨月色明感慨周家
千載業原陵一片野云生

和友春日登文筆峰韻

知府程萬仞

和風欲放碧桃花鳥晚遊人賦興奢山廟回春添紫翠石門
初日起云霞松濤經雨連鍾乳塔影臨川落照斜蠟屐重陪
尋勝事新思偏許此期瓜

春水東流雪浪開南山高並鳳城臺諸天香靄孤峯立匝地
云浮眾客來石帶藤蘿風繚繞松搖階砌月徘徊登臨此處
塵紛絕狎岸浮鷗莫我猜

署中漫興用明馬端肅題竹韻

李國瑾

奚囊敢謂貯琅玕
笑詠能忘壁水寒
風雪也從驢背覓
瓊霜
自遜梵宮看閒翻
鄴架聊窺豹浪草
蘭亭擬步鸞興發
往來
尋勝蹟東山返照
宛如丹

九日望南山寺

同上

雨霧南山翠矗天
堂开引盼亦悠然
归云低拂花宮柳
初月
徐窺嶂裏泉正喜
周原堪弔古忽憐
勝代尙遺賢幽齋
頗似
東籬景抚菊裁詩
愧遜前

涇岸桃花次田學使韻

同上

璇璫異錦媚河濱
百卉芳姿總讓新
露浥曉妝羞未起
日臨

68

67

醉壓倦猶顰漫傳
周馭曾經宴豈意
秦溪別有津寄語
風姨
時護惜留將春色
付詩人

娇客無語自含情
笑指行人劍珮橫
衣試絳綃雲乍落
夢同
碧洄月初明凌波
欲隱終南霧倚岸
遙憐渭北晴倘得
停驂
花下卧天台深处
豈聞兵

琴峯古洞

鞏爾馨

崛峩高峰自古
今洞門長鎖白
云封茫茫流水
無人問寂寂
仙翁何处尋不
向名山同採藥
却來空谷聚知
音即今相對
曾無韻想是明
皇夢裡琴

泰山拱翠

同上

西望层巒嵐气横晴峯
翫翳映孤城風搖老桧
苍龙舞花放疎林
織錦明青帝祠前烟
漠漠危巖桥下水盈
盈屏開弱翠堪图畫
渺渺晴川兩岸平

靈湫乔松

同上

帝遣神工鑿碧湫山深
廟古树千秋參天黛
色寒烟罩入耳涛声
夹岸流云裏時巢雙
白鶴池边卧老兩青
牛靈龙岁岁为霖雨
自尔祈年尽滿篝

温泉夜月

同上

山头淡淡月初升影入
清溪眼底澄高岸晴
空霜色皎碧潭湫灩
鏡光凝遠泉苍树层
层出过涧寒云漫漫
騰何必登楼

69

庾亮獨 泓有兴也堪乘

70

初履环县书以自慰

時順治十有四年由京都抵任

金先聲

触手經營不自遲残疆
事事足攢眉但憑一
念由飢切敢謂多荒
无米炊 遂海濱皆赤
子仲升塞外亦男儿
强支鉄慰魂夢应有
揮絃卧理時

環城懷古

高觀鯉

縈紆一水古環州提挈
邠宁最上游直北蕭
関横鎖鑰迤南馬嶺
罷貔貅千秋节烈旌
忠寺一代勳名攬勝
楼幸際昇平无事日
儒生何用覓封侯

庆阳懷古二首

学政

張映辰

失職姬宗几世還由來保障藉嚴闕城開白豹監西夏塞署
烏崙控北蠻雅有珊瑚通合水誰將弓劍誤喬山涼秋時節
金風肅木落天空景自閒
靈武重收豪傑心十年安史亂相尋空聞列聖留碑碣無復
羣仙夢抚琴風月閒亭仍睡賞樓蘭往事已消沉悠悠庆水
流何限遥望城闈載驟馭

和韻

孫良貴

自破樓蘭穿甲還涼秋八月古蕭閑堦塗穹室無三世渠率
羈縻似百蠻古寨月明銷燧火荒城雨霽對芒山
不才九載空留滯慚說心間物自閒

城西山峰如劍芒
俗呼西峯山

72

71

秋日登鎮朔樓

季星漢

鎮朔樓高千仞懸憑欄一望古今天霜清塞北三秋月風捲
河西万里烟獻吉文章開鳳窟 阳仗气照龙泉酒闌未厭
登臨興欲探星辰霄汉边
万里烟霞入望來屹然形胜自天開龙分沙漠千山湧風止
平岡兩翼迴盛代农桑綿八百清時文獻接三台登臨欲覓
驚人句应有凌云作賦才

鎮朔樓飲集

仇全

天塹雄開控上游橫崖斷壁夾层樓參差西北千山鬪迤邐
東南二水流酒到情酣不解醉歌來興劇更相酬當年庾亮

空豪放何似高阳胜侶遊

前題

趙選

边城得雨日優游攜酒邀朋上畫樓四面青山欲滴翠雙溪
綠水自环流薰風倏起迎賓主沙燕頻鳴催獻酬日暮酣歌
傳勝事當年不羨永和遊

书中乾蝴蝶依韻三十首

附錄五首

康績

憶逐飞花西復東香肌瘦損艺林中形归不律真成幻偈頌
維摩色是空近硯難餐池上露開函猶趁紙边風春娘老嫁
衣冠客拈守芸窗避豔叢

掩卷游魂鎖不开寻花的的剩蜂媒文成寶籙仙姬卧香賜
尚书侍女來老何墨莊间岁月抛殘金谷好樓臺紙灰未化
難飞去淡淡春衫染麝煤

74 73

攤书几案近芳郊收得文鸞着解嘲紫府無丹能換骨青箱
有字借为巢洛神撰賦和愁譜小玉吟詩带恨敲野径花开
相憶否夢魂应过海棠梢

綠繞紅围太豔生何來断筒寄輕盈应憐詩草埋文塚为爱
笔花葬管城墨瀋浓添香色膩銀笺淡借粉光明滕王閣上
丹青好几向芸窗问姓名

羅綺叢中已久諳琳琅架止又重探生花文巧愁难解醉墨
图成夢可酣殘帙藏來依粉蠹輕綃卧处类冰蠶桃笺十樣

空經眼回首名園春过三

阅張庆入遺文回溯昔游不禁怆然涕下 胡俊

曲江遺鑑影生花机杼文章自一家造化有心分照耀村墟
无福挽靈華人間玉座愁无那天上楼成恨轉賒鶴返崆峒

清唳冷 别号崆峒 孤鶴耦 孤余行脚踏塵沙

庆陽懷古

和張学政作第二首

孫良貴

蓮池湛湛印清心涉渭逾泾取次寻胆落西荒闲卧鼓文移
北斗靜張琴鷹飞関内蒼原廻狼去中山白社沈独有絳幘
開紫寨霓旌霜晓照駸駸

大寺辰鍾

知州

姚宏烈

75

只合銘勲在廟廊誰將逸韻寄禪堂驟隨風雨入窗冷緩逐⁷⁶
林花到枕香五夜敲殘鄉远梦十年催满鬢边霜声洪久徹
人間耳不独清霄警梵王

高山晚霞

同上

晴巒目送尽斜阳返照東山一片光碧汉龙鳞飞火赤丹崖
鳳尾散金黃浪誇枝木瓊瑶树争眩頽窰紫翠房海市蜃波
曾歷徧肯將幻境作仙多

梁臺雪霽

同上

边陲一夜北風鳴极目山河尽变更憶昔浮槎辭玉垒几時
縮地到銀城頓忘雪片枝头積翻訝梅花塞上生日映冰消

復旧象乾坤旋轉想懷英

西塢桃花

知州
丁 棻

边庭春到滿林花似綺如虹傍水涯
拂面迴風村塢曲臨溪
倒影板橋斜烟霞靜处三千樹
雞犬声中四五家
報到北園
甘露降好承金掌獻重華

南崖湧泉

同 上

自是泥阳第一泉半杯已足沁丹田
漫將巖石还頻扣驚起
蟠龙不敢眠醉后亲煎勝掃雪
狂來瓢飲欲吞天
老僧珍重
收符券潤我枯腸詩思鮮

閔亭夜月

同 上

万里穹蒼絕點塵巍巍廟貌兩如新
常扶大統心千古高挂
中天月一轮攜手同登原有路
举头不媿是何人
我將釋來
吟梁父隨到南阳問葛巾

三月二十八日自环邑回郡次日即按行宁正二居途

间书事二首

趙本植

往來五邑十天裡正及晚春初夏時
冷澗流云銜帽影晴風
吹絮着鞭絲堆山金碧渾如画
繡野丹青尽是詩

雨后青葱为
年來所未有

好景不敢輕放過一囊收拾寄吾思

惟有一勤堪補拙官忙長得似閒時
儒生拱立問難字父老
相迎慰鬢絲麥隴住看深淺綠
筍輿行促短長詩憫农之念

未能力憂雨憂晴繫我思

環邑城工始卯冬成於巳春初寒盛暑窮黎力作魯令
发帑以济或阴雨霪零万夫斂手復捐給錢米不失

代賑之本工竣詩以美之

趙本植

網繆畚鍤济哀鴻

左庫便蕃众欲同束版誅茅昭

聖俭重楼複塹壯边工秋風远送千村鼓夜火新添滿市紅
胼胝鳴沙經岁役山城如画綺霞中

十邑同時工代賑經營倉廩入纖微招流望使千夫飽原值
行看众輦归

工料购自远方其
脚价較原估加增

詎見憐焚鞭把杵不闻寒瘥賦無衣

城成名並魯公浦为報循良亦庶幾

步韻

魯克寬

极目哀嗷徧野鴻

皇心軫恤溥恩同金錢加展頻年賑

二十三四兩年被災
賑費四万金

版築纵横匝

岁工百雉凌空云染碧层楼倒影水摇紅
竚看芜没頽垣地
鬱鬱重新指願中

寂寞荒城劳驻节網繆桑土寓精微郊原夜靜啼烏戢睥睨
秋高旅雁归五馬不辭塵撲面千夫遑恤汗沾衣由來近水

頻邀月早識銀川已兆几

寬承乏銀夏
早荷旃幟

辛巳夏六月四日請雨郡城聖水泉次日大雨復賦此

誌喜

趙本植

正是身憔悴髮卷餘油油膏雨養生梳

孫思邈以交加木造百齒梳用之養生

跣科祈水

甘行淖簫鼓迎龍樂飯疏何必獲田多似石祇憐仰水已如

魚見鹽
鉄论

十分終惠承天澤大有先占六月初

復雨仍用前韻

杯置坳堂水有餘經旬無夢到枇梳

見夢
書

河声日夜連天震云

勢嵯峨入地疏灑翼參池人似鳥

庾信詩驚鳥灑翼度

觀濠浩淼汝為魚

見莊
子

艤舫若起三間屋

見南史
羊侃傳

兩部笙歌沸耳初

雲寂孤峯

仇全

煙云寂寂見孤峯夾岸危巖小徑通曉日升霞環佛座夕陽

返照鎖禪宮殘碑有篆龍蛇舞老樹無枝禽鳥空夜半鐘声

聞堡巷諸村处处見安豐

支當古渡

同上

石砌山開鑿得成清光瀲灩映古城源來子午同星宿派演
東西注水晶鐵底橫渠潮有渡銅旁夾岸湧無驚任他波浪
高千尺守我桑田不變更

唐臺

鞏我艫

崔巍歲歲峙城邊客裏登臨獨悄然平野乞靈煩聖主高臺
鐘秀接神仙無窮樹影橫河清不盡嵐光傍岱顛為憶同人
頻載酒晚風吹落成樓邊

排律

鎮朔樓工成秋日抒懷一律

趙本植

并幹初成頻野睡乘高不与雉樓同寬閒可作千夫庇締造

还思百战功宗范文 正公建憂乐早关天下計安危預定老臣衷一身

許国丁都護万里筹边汉上公玉壘云浮吹角靜穹廬胆落

戍烟空帳開幕府威名赫皆接降城臂指通異代尙知珍魏

笏飞薨詎忍翳秋蓬輸般轉布工偏速庾亮登临兴未窮洞

啟八窗涼意迴鏡涵二水浪痕重高扞星表晨霜白倒影嵐

光夕照紅竹樹半遮亭障裏人家都在畫图中岳阳湖海波

涛濶文正公有 岳阳樓記北地金汤气象雄放眼川原非往昔賞心景物

任西東漫吟紫塞関山曲俯視茫茫欲御風

七絕

送韋評事

唐 王維

欲逐將軍取右賢沙場志馬向居廷遙知汉使蕭関外愁見

孤城落日边

夜上受降城闻笛

唐 李益

回乐峯前沙似雪受降城外月如霜不知何处吹蘆管一夜

征人尽望乡

勸農

宋 范仲淹

烹葵剥棗古年豐莫管时殊俗自同太守勸农农勉聽从今再

願誦豳風

祭景公

明
魯穆思

山下孤城水抱流
休然嗚咽未曾休
几回欲問中丞事
直恐傷神一段愁

暮春雨中見竹

顧 漢

瀟湘烟雨值殘春
老幹扶疏滿徑筠
看取虛心堅晚節
不同豔質混風塵

歸田詠寄趙乾所

文左中

萬古元机將欲通
故生我事羅川公
朝天並騎王津馬
繞日三迴謁紫宮

86 85

羅川天上真人墜
因訪子微到赤城
子微不作鈞天夢
但願騎龍上玉京

秦中凱歌十二首

綠 三首

本朝

王士禎

新開麟閣賞元功
頗牧重看出禁中
此去西人須破膽
將軍昨日下遼東

自注康熙十四年圖公吹副
將軍平察兒獻俘 闕下

虎狼十萬競投戈
不唱三交陇上歌
朝見降書來北地
暮看烽戍罷朝那

自注庆阳固
原相繼降

丹青图画上麒麟
五等俄驚宠命新
未許羆熊歸禁籞
且悬堂印鎮三秦

自注部設圖海功封
二等候改封二等公

秦儲荒陇

文士升

咸陽一炬久成灰二世於今安在哉只有扶蘇隴上石樵夫
猶記漢唐來

曉行環縣道中和友人韻

趙本植

溶溶夜月澹參辰誰寫紅塵世外神煙柳露桃妍夏后定應
無脚消陽春

心衰面改二毛催此地空勞十往回寄謝龍香先夜拔故應
時許夢邊來

謁景忠烈公祠

鞏我艘

大節分明垂宇宙甘為瓜蔓盡誅人辛莊莫惜存五戶短劍
空憐未刺秦

正寧竹枝詞十首

雷和

一城的的小于丸聚得風寒並水寒雞犬無聞白昼靜通衢
直作冷墟看

邑中莫道止官衙敗瓦頹牆也百家四體都能遮一半街頭
只少唱蓮花

也無拳石也無林辜負佳名說抚琴

見縣志
八景

可是爨餘焦已甚

拋來窮邑作山岑

兩餘纔看一沟平自昔爭傳羅水名螺蚌不曾分一族家家
擔得水泥羹

懸蟬秦中久訝奇到來此地更堪疑細鱗巨口誠何物一尾

狂驚滿縣兒

說甚谷前雨后香無聞不特未曾嘗
縱然長夏次消渴至味從來是水漿

瓦盆木豆昔曾聞此際開筵器
俛文試看白紅葡二種黑豎羅列已繽紛

相延食案竟何如春去纔嘗非
與蔬豈是聞韶人海縣一豚屠賣過旬餘

莫言花翠與綾紬一尺紅綿也
索休任是朱顏偕白髮四時相看白纏頭

土窟三冬火作衣紅虫愛日似人非
兒童裸赤都猶可少女

憐無一寸裊

詩餘

踏莎行

九日將近抵正寧公署阻雨

井濟

日月蝸丸光陰脫兔登臨不用深懷古
向來吹帽插花人盡隨殘照西風去
老矣征衫飄然客路炊烟三兩人家住
欲攜斗酒蒼秋光山深無覓黃花處

滿江紅

弔明季段公殉難

趙本植

寇起黃巾誰孤守金甌無缺歎
一旦捐軀為國濟陽人傑長戟縱橫
霾晝霧短稍馳突揮淵日奈奸民延敵
己開閔冲冠髮母死義妻死節烈火焰
飄風發更閤門數口蘭摧玉折夜

城烏啼暮草年年精卫流丹血看灵旗斜颺麗譙西猶鳴
咽

前調

偏裨周君嘉彦段公爰將也分守
北門戰没于陣仍用前調韻弔之

奮勇當閑說三輔紛紛殘缺料口人有男儿南八素稱驍傑
瘡裏兜鍪轟掣電失攢蜂蝟光潛曰惜一身力竭倍難支結
纓髮畢吾志完吾節战士歿狼机发念公何往灰飞骨折
擊賊恨回顏魯齒堪胸淚比萋宏血對城头暮角起悲風阴
灵咽

